

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

Haineuve, Julien

Coloniæ Agrippinæ, 1665

Hac hebdomade, considerantur quæcunque gesta sunt per totam noctem
apud Pontifices, usque ad matutinum diei sequentis, quo Christus ad
Pilatum est adductus.

urn:nbn:de:hbz:466:1-44214

per hominem, quem suscipere dignatus est discipula morum fuit;

Itane vero de rebus judicas? Itane his afficeris? Itane vivis & mores componis? An potius nonne aliter proflus iudicas, proflus afficeris, & aliter planè vivis? Quis lensus de paupertate & divitiae? de honore & contumelia? de bonis & malis hujus vita? utra eligeres si horum daretur optio? nonne id facilissimum creditu, quod non mala eligeres sicut ille, ac proinde quid evidenter, quamte cum illo non esse, a quo ita dissentis iudicio & affectu? Qui sunt Christi, carnem suam crucifixi sunt enim virtutis & concupiscentiis. Si quis spiritus Christi non habet, hic non est eius.

Gal. 5.

Rom. 8.

Sap. 2.

Iohann. 7.

sto non convenire nec esse; sic planè fateri ne-
cessit te contra ipsum esse.

Itane vero tu contra Christum! durus qui-
dem sermo, sed fortior veritas, quæ à sermo-
ne non potest detrahiri, quamdiu sic vives tam
parum Christo similis. Sed quod horrendum
magis est, sic contra Christum vivis, quia sic
à Dæmoni persuaderis vivere! sicut ab illo
revocat per hanc vitæ dissimilitudinem, & in
suas trahit partes, ut unâ simul contra Chri-
stum pugnetis. O rem execranda! te Chri-
stus ad te vocat contra Dæmonem pugnatu-
rum: tu à Dæmoni revocatus contra Christum
pro illo pugnas, expende hoc & audi S. Cy-
prianum, imò & Dæmonem, quem S. ille
Doctor inducit sic propterea Christo convi-
tiantem, quod te tuique similes suos fecerit: Lib. de
Eleem. &
Ego pro ipsis, quos tecum vides, nec alatas ac-
cepit nec flagella: nec quicquam magni do, sed
falsa pollicitatione deludo, & potius ipsi mihi om-
nia sua tradunt. Tuos tales munerarios Christe
demonstra præcepti tuis monitos; Et quæ plura
pergit, sed hec iustificant ad Veritatem con-
firmandam, & talem inde horrorem animi cō-
citandum. Unde ad conciliandam eum Chri-
stum vitæ confessionem magis ac magis exar-
descas. Sequar te quocunque ieris. Matth. 1.

Et vero cavendus lapsus & recidivum, ne
quod ex dictis Domini superest in hodierno
Evangelio, tibi contingat: Et sunt novissima
hominis illius peiora prioribus. Quia de senten-
cia, proponitur haec Veritas:

Melius erat viâ Justitiae non introisse, quam
retroisse.

In hac 2. parte, Feria 5. hebdomade 4. post
Pascha.

HAC HEBDOMADE, Considerantur quæcunque gesta sunt per totam noctem
apud Pontifices, utique ad matutinum diei sequentis, quo Christus ad Pilatum est
adductus; Ibi adnotantur aliquod in ordinati motus cordis & linguæ, qui frequen-
tiùs ex iniuriis concitantur, quas ab inimicis accipimus, & qui exemplo Christi Do-
mini corrigitur.

FERIA

FERIA SECUNDA.

CHRISTVS ALAPAM INFLI-

genti mira mansuetudine loquitur.

Vnus assistens ministrorum dedit Alapam IESV dicens, sic respondes Pontifici? Respondit ei IESV si male locutus sum, testimonium perhibe de malo, si autem bene, quid me cadis?

Ioan. 18.

VERITAS PRACTICA.

Quantum fas est in ira loqui, tantum ex ira nefas.

RATIO EST, quia idcirco fas est in ira loqui, ut Mansuetudo & Charitas conserventur. Sed si ex ira loquereris, Mansuetudo & Charitas potius destruerentur, quod est nefas, quam conservarentur. Ergo quantum fas est in ira loqui, tantum ex ira nefas, & evadendum.

I. PUNCTUM.

QUO magis progedimur in patientiis Christi mysterii, eo minus verborum & humani discursum videtur adhibendum, unt enim ex te tam ubera & copiota siue ad intellectum illustrandum, siue ad voluntatem inflammandam, ut sola representatione rei gestae sit opus. Sic ergo habet sacer Evangelista. Cohors autem & tribunus & ministri Iudaorum comprehenderunt Iesum, & ligaverunt eum, & adduxerunt eum ad Annam primum. Et paulo post: Pontifex ergo interrogavit Iesum de discipulis suis, & de doctrina eius. O quae doctrina! o quam rari discipuli! quid censes de ursisque? Respondit ei Iesus: Ego paulam locutus sum mundo, ego semper adest in synagogaz in templo, quod omnes Iudei conveniunt, & in occulto locutus sum nihil. Quid me interrogas? interroga eos qui audierunt, quid locutus sum tibi, ecce hi scinunt, que dixerim ego.

VID ista responstone verius, mansuetius, tu siuistis sanctus Augustinus. Et tamen & prodigium audacie! Hac autem cum dixisset: Vnus assistens ministrorum dedit alapam Iesu di-

cens, sic respondes Pontifici? Hic siste anime, & hæc impunitis sancti Augustini. ve. ba expende, Quid non potuisse per potentiam iubere, per quam factus est mundus, nisi nos docere malum: set patientiam, quam vincitur mundus? Tum vero respondit Iesus: si male locutus sum, testimonium perhibe de malo; si autem bene, quid me cadis?

Tres possunt cogitari rationes, cur hic responderit, qui alias ira filuit ut omnes mirarentur. Prima est, ut diluat calumiam sibi factam de contempto Pontifice. Secunda, ut injustè percutientem moneat, & ad resipiscitiam exciter. Tertia, ut nos doceat aliud esse in ira, seu in iniuriis acceptis aliquid loqui; & aliud ex ira loqui. Quantum enim fas est in ira loqui, tantum ex ira nefas. Quod ut accuratius & ad proximū utilius expendatur, Ratio hæc ad exemplum Christi Domini adjungitur; Quod idcirco præcipue fas est in ira loqui, ut Mansuetudo & Charitas conserventur: Mansuetudo quidem in eo, qui injuriam accipit, & Charitas erga eum, qui eam infert aut etiā ad aliorum aedificationem, qui presentes intersunt. Ad hoc autem moderata confert loqua, quatenus sic temperatè loquendo animus distrahit a cogitatione iniuriae & vindictæ, qua interdum silendo acuitur & inflammatur. Sic peius silnit Absalon contra fratrem suum Ammon, quam si quid forte locutus esset: nam ex multo colloquio se fraternaliter poterant mitigate corda, quæ ex silentio magis exasperata sunt; quod aperte Scriptura indicans; Porro, inquit, non est locutus Absalon ad Ammon, nec nislum nec bonum: ederat enim Absalon Ammon. Nempe vel ex odio filuit, vel ex silentio magis odit, quod utrumque perversi silentii aperta est nota.

Quod itaq; dicit Sapientia; Responso molle fratre. Prov. 16. git Ibid. 25.

Ecclesi. 8. quod alius ait Sapiens: *Verbum dulce multiplicat amicos, & mitigat inimicos: & lingua Eucharis in bono homine abundat.* Quamobrem haec virtutes, cum loquendo potius quam silendo demonstrentur, sic in iia loquitas est, ut demonstrentur ad xificationem proximi, & in animis dissidentium convergentur. Si tamen **Ecclesi. 2.** pus tacendi est, est etiam tempus loquendi; Tu forte neutrum observas, adverte.

II. PUNCTUM.

SED si ex ira loquereris, mansuetudo & Caritas potius destruerentur, quod est nefas, quam conservarentur.

Hoc est enim utriusque delictum loquax, ut qui in ira loquitur, sentiat quidem effervescens motum sanguinis, sed ratione subiectum, unde nihil inordinatè agit nec loquitur, qualis ira in quovis homine atque in ipso **3. p. q. 15.** etiam Christo domino esse potuit, ut expressè docet sanctus Thomas. Sed qui ex ira loquitur, ira servit potius quam dominetur, non solum sentit ira motum, sed dominatum & imperium, quo statim turbatur ratio, & ratione turbata, sermones effunduntur incorditi & turbulenti, quibus illæ virtutes illico ruunt & destruuntur. *Ira non habet misericordiam,* inquit Sapiens, *nec erumpens furor;* & impetus concitati ferre quis poterit? *Quam sit autem hoc* **Prov. 17.** *nefas, audi & contremisce:* *Ira & furor, uraque execrabilia sunt.* & vir peccator continens erit illorum; Id est, qui peccatum non reformat, erit illis obnoxius vitiis, quæ metu læsi

PRO EADEM FERIA QUADRAGESIMALI.

Ad Evangelium de prima Christi Domini prædicatione, in Civitate Nazareth habita, & à Cibis male accepta.

TOTA eius narratio & conformis Veritas habetur suo loco declarata in 1. parte, Feria 2. hebdomadæ 2. post Epiphaniam. Quæ vero inde plures aliae produci possent, referuntur ad

numinis & offendicæ conscientia, coercentia. Vide infra in hac parte, Feria 3. hebdomadæ 3. post Pascha: unde quæcunque hic & in sequentibus de ira dicuntur, multum illustrari possunt.

III. PUNCTUM.

QVANTVM ergo fas est in ira loqui, tantum ex ira nefas: Quia, quæ virtutes ex uno conservantur, destruuntur ex alio, sicut ait Sapiens: *Vir iracundus provocat rixas: qui patiens est mitigatione suscitatas.*

Hæc est doctrina, de qua interrogatus est Dominus, hi sunt eius dicit: puli, qui, quod dixit & fecit, profiteantur; *Dicite à me, quia Matth. 11 multis sum, & humilis corde;* MITES quippe sunt, l. 1. dicit, inquit sanctus Augustinus, qui cedent improprietatibus, & non resistunt malo, sed vincunt in bono malum; *Quod dicitur sanctus Petrus, Misericordes, modesti, humiles, non reddentes malum pro malo, nec maledictum pro maledicto, sed è contrario benedicentes, quia in hoc vocati estis, usi benedictionem hereditate possideatis.*

Neque excuses naturam ad ira seendū pronom, esto enim, inquit S. Ambrosius, ut sit natura irasci, aut plerumque causa: *hominis est tamen temperare iracundiam, non levino raptari furore, non assuescere clamori, non, erere nec accerbare familiare iurgium, scriptum est enim, vir iracundus effudit peccatum.*

Quod si tibi forte delinquentes corrigiendi sunt, cave, plus illis delinquas irascendo. *Ira l. 7. Ep. 11.* quippe, ait sanctus Gregorius, cùm etiam delinquentiæ culpas exequitur, non debet menti quasi Domina preterea, sed post rationis tergum, velut ancilla famulari, ut ad sc. c. in iusta venias, nam si semel mentem posidesceceperit, iussum esse deputat, etiam quod crux iter facit. O quæ mentis ferocia, sic te crudeliter esse! O quæ mentis fallacia, sic te justum reputare! *Memento Ecclesi. 1. timorem Domini, & non irascaris proximo.*

Irā, ad Invidiam, & ad neglectum Dei sermonem, de quibus argumentis sat multa sunt obvia, vel in ipsis, quæ n. odd decurrentur, Feris.

FERIA

FERIA TERTIA.

CHRISTVS DOMINVS FALSO

Accusatus, nihil respondet.

Non responde quidquam ad ea, qua tibi obiciuntur ab his? Ille autem tacebat & nihil respondit. Marci 14.

VERITAS PRACTICA.

Qui loquendo vincis, silendo vincis.

RATIO EST, Quia vincendus vices, si primendo ira impetum, à quo premeris, impediās damnum impendens.

Sed silendo premes illum ira impetum, à quo premeris loquendo, sicque damnum impendens impediās.

Ergo qui loquendo vinceris, silendo vices; ac proinde silentium tibi est religiosè colendum.

I. P U N C T U M.

Marci 14. CUM apud Caypham Principem Sacerdotum, Scribz & Seniores omnes convenissent, eō ligatum Iesum misit Anas, ut de morte eius, communī consilio definiret. Tum verò, inquit Evangelista, summi Sacerdotes & omne consilium querēbant aduersus Iesum testimoniū, ut eum moriri tradirent, nec invenerebant: mulsi autem testimonium falso dicebant aduersus eum, & convenientia testimonia non erant. Et quidam iugantes falsum testimonium ferebant aduersus eum dicentes, quoniam nos audivimus eum dicentem: ego dissolvam hoc templum manu astum & post triduum aliud non manufactum edificabo. Et non erat convenientia testimoniorum illorum. Et exurgens Summus Sacerdos in medium interrogavit Iesum dicens: Non responde quidquam ad ea, qua tibi obiciuntur ab his? Ille autem tacebat & nihil respondit.

Expende hic primò, quanta Judæorum in Christū malevolentia, ut cum nihil nisi sanctum in eo esset, conquerant undiq; fallā testimonia, quibus eum accusent. Deinde verò considera, ut est natura hominum sui fallax & deceptrix! Non timent Judæi de morte Jesu

Hayneusue Pars 2.

deliberare, & tamen nolunt sine prætextū aliquos quasi minus vocētes sint, si ex fallo prætextū occidant quam si nullo. At nonne nos sic sāpe vi iis nostris causas prætendimus, ut minus mundo & nobis appareant? Sed nunquid Deum celabis? *Vos estis, inquietabat Christus, qui insultatis vos coram hominibus;* Deus autem nō in corda vestra, quia quid hominibus alius est, abominatio est ante Deum. Cum autē sāpe culparum & præcertim i. acundiae, quas sola libertate committimus, causas rei ciamus in naturam ipsam humanam, in officia quae gerimus, in variis rerum occurrentiū sortes, & quoslibet contingentes casus, qui non nisi Deo volente aut permittente obveniūt, quid hoc aliud est, quam falsa quæ dāni testimonia contra Dominum querēre, quibus nos excusemus, & iplum quodammodo acensemus? Unde & queritur: *Numquid irritum facies iudicium meū, & condēnabis me ut tu iusticeris?* *Job 40.*

Eò te videlicet aliquid ira excitata impetus rapit, ut non modò aperit proximis exandescamus, sed latenti quadam impietate, ipsi Deo inascamus, tanquam authen iniuria vel pœnarum, quas patimur. *Quare peren sit nos Dominus hodie?* Tunc exemplo Christi si- *1. Reg. 4.* lendum; & quoties sic liberius Ira linguam laxat, refrānanda est religiosius: *Sic enim qui loquendo vinceris, non loquendo vices.*

Quod ut apertius liqueat, non rā multa est opus probacione quam attenta Veritatis consideratione: Quid enim clarius, quam in iracundiae pugna Victorem illū esse, qui vel concitatum animi sedat impiū, aut ita cohībet, ut nihil inde detrimenti, nihil inordinati procedat? *Non te superet ira ut aliquem opprimas,* *Job 36.* inquit Scriptura; hoc est scilicet superari, si quid ab ira detrimenti contingat: ac proinde hoc est superiorem & Victore esse, si damnum omne caveatur. O quæ dāna! quam cavēda!

R. II. PUN-



II. PUNCTUM.

SED silendo premes illum ira imperium, à quo
premeris loquendo: sique damnum impedi-
as, quod loqua importaret.

Cum enim agatur potissimum de illo na-
turae imperio, quo iratus irae causas prosequi-
tur & impugnat, certe quemadmodum non
nisi loquendo causas illas insectetur, sic plane
si loqui desinat, desinet ab instituta prosecu-
tione, quæ non aliter peragitur quam loquen-
do, ut dictum est: ac proinde etiam cessabit
ille naturæ imperius, qui ob id unum excita-
tus erat, ut injuriæ vel iracundia causas inse-
ctareret. Secundum ligna sylva sic ignis exarde-
scit, inquit Sapiens, & secundum virtutem ho-
minis sic iracundia illius erit: & secundum sub-
stantiam exaltabit iram suam: Quasi dicat,
tantò magis aut minus iracundus commove-
retur, quantum ex ira loquitur; tum verò mi-
nus ex ira loquitur, quantum minus iræ causas
insectetur, sique dū cessat loqui, cessat irasci.

Quod quidem alio Sapientis dicto aperte
confirmatur: Cum defecerint ligna, extingue-
tur ignis: & suurrone substrato, iurgia conque-
scens. Ligna enim iræ, sunt verba, sunt sulari,
murmura, clamores & indigationes, qui-
bus sublati, ira tollitur. Unde Apostolus: Ira,
& indignatio, & clamor, & blasphemia tollatur
à vobis, cum omni malitia, id est, simul omne
ira malitiam tollis. O quale silentij bonum,
quo uno tollitur omnis iræ malitia!

Prota. 26.

Eph. 4.

III. PUNCTUM.

SIC igitur, qui loquendo vinceris, silendo vin-
ces, Dum sic premes iræ imperium, à quo

PRO EADEM FERIA QVADRAGESIMALI.

Ad Evangelium, de Correptione fraterna, & resistendis semper iniuriis.

VERITATES PRACTICÆ.

Si quis corripi noluerit, hoc ipso magis est
corripieandus.

In 4. parte, Feria 4. hebdom. 16. Vbi de hoc
exprosè præcepto Domini: potestque Veritas con-
venire Correptionem activa quam passiva. Id
est, si quæ desur, & acceptatur.

Quia verò qui corripitur, timet se co-
temperare, nūm suggestenda hæc Veritas:

Aut amandus tui contemptus & te contem-
nenti congaudendum: aut non amanda
Charitas, quæ congaudet Veritati,

In hac 1. p. Feria 6. hebdomada 3. post Pascha.
Atque ut modus servetur in corripiendo,
necque qui corripit inferiorem, audacius ar-
gat,

præmeris; & illud cavebis damnum, quod
certè inde impenderet, nisi caveretur.

Vince amore, silentio malum, inquit san- Hom. 10.
itus Basilius, & cogita de te periculum fieri, an
Deo per patientiam adhærens, sed per iram in ad-
versarii partes inclines Audi David dicentem, Ps. 38.
dum confiteret peccator adversum me, non irrati-
tatus sum aut ultius, sed surdus factus, & humili- Eccles. 11.
atus sum, & silui à bonis. Hinc illud scitè di-
ctum à Sapiéte; se sufflaveris in scintillam, qua-
signis exardebit; & si expueris super illam, ex-
tinguetur: utraque ex ore profiscuntur. Tum
nempe sufflatur in scintillam, cum quis ex ira
loquitur & iræ sua causas profert: supra scin-
tillam verò expuis, cum vel contemnuntur
iniuriæ seu quævis alia irascendi incētiva; vel
si animum commovere incipiunt, statim filē-
tio reprimuntur. Hæc autem utraque, nempe
loqui vel silere, ex ore profiscuntur, id est à
nobis pendent, non sic, in vitiis & nolentibus
nobis producentur, sicut primi motus natu-
ralium appetitionum animi; quamobî major
est nostra culpa, si non filēmus, quam si
non irascimur, quia illud magis est in nostra
potestate cum Dei gratia, quæ id etiam à no-
bis exigit. VIDE UT SILEAS. Hoc primum Is. 17.
ad viatoriam de hostibus reportandam Regi
Achaz à Domino commendatur. Vide in 3. p.
Dominicam. Ubi hæc exhibetur Veri-
tas:

Hoc ipso est ira iniustior, quod nullumquam
irascenti sua ira videtur iniusta.

gat, opportunè occurrit, quod ex craftina profertur Feria: Q VI A U D A C I U S, &c.

Quod si quis timeret, ne sine sua etiam culpa, infensum libi reddat quem corripit: tunc Optabilius bonum bellum, quam mala pax.

In 3. parte, Sabbato hebdomada decima.

ETIAMSI aliquando non speretur fructus, tamen tentandum.

Opportune impunitē.

Sabbato hebdomada undecima.

Pro remittēndis semper injuriis.

Si semel sunt condonandæ iniuriæ, sunt semper condonandæ.

Vel nullas unquam rectè voles condonare, vel semper omnes condonare voles.

In 4. parte, Feria 5. hebdomada 16.

Quidquid profers ne parcas aliis, contrā te profers, ne parcat tibi Deus.

In eadem 4. parte, Dominica 21. Vbi q[uo]d alia his conformia.

Sicut pauci dimittunt suis debitoribus, ita & paucis sua dimittuntur debita.

In 3. parte, Feria 6. hebdomada 6.

FERIA QVARTA. CHRISTVS ADIVRATVS A Caypha proficeretur se filium Dei.

Et princeps sacerdotum ait illi: adiuro te per Deum virum, ut dicas nobis, si tu es Christus filius Dei; dixit illi Iesus, tu dixisti. Matth. 26.

VERITAS PRACTICA.

Qui audaciūs loquitur inferiori, timidiūs Superiori loquetur.

RATIO EST. Quia qui audaciūs inferiori loquitur, nimis se timeri appetit.

Sed qui nimis timeri vult ab inferioribus, nimis & Superiori timeret. Et timidiūs illi loquitur.

Ergo qui audaciūs loquitur inferiori, timidiūs Superiori loquetur, Quod licet in quibusdam casibus valere possit; in multis tamen damnum est & cavendum.

I. PUNCTUM.

CUM ex falsis testimoniis contra Christum prolatis, nihil nisi fallum & inane concludi videret Cayphas ad eius condemnationem; ex cogitavit malitiose hanc viam eliciendæ ab eo veritatis: Adiuro te, inquit, per Deum vivum, ut dicas nobis, si tu es Christus filius Dei. Poterat Christus Dominus non respondere, vel non nisi contemprim, & ut Supremus Judge poterat spectare Cay-

pham tanquam inferiorē, & ipsum judicare ut arrogantem & iniquum. Poterat verò etiam ipsummet considerare ut suum superiorem, & tanquam homo circumdatuſ infirmitatibus, poterat timidiorem se præbere, & vereti quod accidit, si se manifestaret prout jubeatur, ne inde Adversarii acciperent occasionem sui condemnandi.

Verum sive ob reverentiam Divini Nomini, quod interponebatur, sive ob Veritatis cultum, sive ut nos doceret neque audaciūs agere cum Inferioribus, neque timidiūs cum Superioribus, sic sapienter respondit, ut nec inferiorem contemneret, nec superiorem nimis timeret. Tu dixisti, inquit, Veruntamē dico vobis, amodo videbitis Filium hominis sedentem & dextris virtutis Dei. & clementem in nubibus celi: Quasi diceret, ita est ut dicis, sum Filius Dei, sed quia nihil modo videtis, quod sit conforme huic meæ dignitati, videbitis aliquando, cum tempus accepero; Nunc est tempus meæ afflictionis, tunc erit meæ clarificationis, & quem modò iudicatis, iudicij vestri iudicem futurum expectate. Quo in loquendi modo, vides quam modestus esset

R 2

& alie-

& alienus ab omni fastu, quāmque simūl
erectus & constans contra pusillanimitatem.
& nīmiam illam abjectionem, qua plerumque
solemus timidiū agere cum superioribus,
& dissimilare veritatem, aut nīmis serviliter
& abjecte cum illis procedere.

Sed neque arrogantiū eriam, aut audaciū.
cum inferioribus est agendum: nam ab uno,
extremo facilis est prolapsus in aliud.

Quamobrem ut in illo medio consistamus,
quod a Christo Domino edocemur: hoc no-
bis certō persuadendum. Quod qui audaciū
inferiori loquitur, hic timidiū Superiori loque-
tur. Eadem quippe est ratio utrinque, a su-
perbia; quisquis enim audaciū loquitur, af-
fectat autoritatem, prae se fert arrogantiā,
& superbe nīmis timeri vult. Unde Sapientia;

Ecclesiast. 4. Noli esse sicut leo in domo tua, evertens domes-
ticos tuos, & opprimens subjectos tibi. Vnde pastori-

Ezech. 3. & 4. dicit Dominus Deus, qui cum austeri-

1. Pet. 5. tate imperabat is & cum potentia. NEQUE ut
dominantes in cleris, sed forma facti gregis ex ani-
mo. PATRES, nolite ad indignationem provocare

Coloss. 3. filios vestros, ut non pusillo animo fiant; ET vos

Ephes. 6. Domini eadem facite illis, nempe servis, remittentes
minas, quia illorum & vestrum Dominus est
in celis, & personarum acceptatio non est apud

Prov. 21. eum. Sic docebant Apostoli, sic imperabant.
Qualem re in hoc genere præbes? qualem

cum pauperibus, cum discipulis, cum servis,
cum implorantibus opem tuam? Qui obturat

aurem suam ad clamorem pauperis, & ipse cla-
mabit, & non exaudiatur.

II. P U N C T U M.

SED qui nīmis timeri vult ab inferioribus, nī-
mis etiam superiores temet, & timidiū illis lo-
quetur.

Curent nīmis timeri vult, dum est su-
perior, nisi quia timerit contemptum, timerit ne si
non timeretur, contemneretur: At vero dum
est inferior, timerit hic tantum magis credebit,
quanto magis timerit potest, ne a superiori
contemnatur, si libere & confidenter cum illo
ageret; Contemnet forte intus superiorem,
sed se extra continebit, ne quid appareat, quod
ab eo non improbetur, & a quo proinde magis
contemnetur, minus extra quidquā aude-
bit, ne animum suum patefaciat, aut suspicio-
nem ullam moveat suā superbiam, quā se apud
illū infamaret; sive tandem accidit, ut:

non nisi dissimulata vel servili timideitate as-
gat, quod utrumque longè est damnosissi-
mum & longissime distans ab ea filiali & fi-
deli subjectione, quæ est reddenda superio-
ribus.

Obediendum quidem Dominis carnalibus Ephes. 5.
jubet Apostolus, in timore & tremore, sed qua-
lis sit ille timor, explicat dum subiungit, in
simplicitate cordis vestri sicut Christo, non ad
oculum servientes quasi hominibus placentes, sed
ut servi Christi, facientes voluntatem Dei ex
animo cum bona voluntate, servientes sicut Do-
mino & non hominibus. Quod & ante brevius Rom. 13;
& planius declararat: principes non sunt timori
boni operis, sed mali: vis non timere potest, m̄
bonum fac, & habebis laudem ex illa.

Sic conformiter sanctus Petrus, subiecti 1. Pet. 1.
estote omni humana creatura propter Deum, sive
Regi quasi precenti, sive Duebus tanquam ab-
eo misis ad vindictam malefactorum, laudem
vero bonorum, quia sit est Voluntas Dei, ut bene-
ficiantes obmutescere facias imprudentium
hominum ignorantiam, quasi liberi & non quasi
velamen habentes malitiae libertatem, sed sicut:
servi Dei.

O viles alioquin eorum animas, qui se ab-
illa libertate, quia Christus nos liberavit, in-
miserandam abiciunt servitatem, & ancilla Gal. 4.
filii malunt esse quam liberae.

III. P U N C T U M.

Hinc ergo sit, ut qui audaciū loquitur inferio-
ri, timidiū etiam Superiori loquatur: Cum
eadem ex radice superbii, tumor & timor nī-
mis enascantur. Quod luculentē appetit in
ilio Nabal, qui juxta suum nomen stultus erat, 1. Reg. 21;
sicenim Scriptura de eo refert, quod esset ita-
durus, ut nemo posset ei loqui, tum vero in
eam timideitatem dilapsus est, ut anditis peri-
culis, in quæ inciderat contemnendo Davi-
dem, emorium fuerit cor eius intrinsecus, &
factus sit quasi lapis: ac tandem paulo post:
obiit. Quamobrem recte Sapiens, sic ab utro-
que extremo, per veram humilitatem & man-
suetudinem nos revocat: Congregationi paupe- Eccles. 4.
rum affabilem se facito, & Presbytero humilia
animam tuam, & Magnato humilia caput tuum:
declina pauperi sine tristitia aurem tuam, & redi-
te debitorum tuum, & responde illi pacifica in-
mansuerudine.

In veritate non ficta humilitate tem-
peras.

peramentum utriusque extremi est possum, ipsa est enim, quæ nimiam in inferiores Superiorum audaciam & fastum colibet. Nam ut
 Sim 34. ait optimè sanctus Gregorius, preponunt sibi
Evang. in animo ipso plerumque, quos corrigunt: meliores estimant eos quoque quos iudicant, quod rident agentes, & per disciplinam subditos & per humilitatem custodiunt semetipso. Idemque fuisse in illa verba Iob: si contempsi subire iudicium cum servo meo & ancilla mea, cum despiciant adversum me. Quid enim faciam cum surrexit ad iudicandum Deus, & cum quaevis sit quid respondebo illi: nunquid non in utero fecit me, qui & illum operatus est?

Ipsa etiam est humilitas, quæ inferiores à vili & servili subjectione liberat; est enim magnanimitatis species, quæ quanto magis se uni Deo subiicit & hominibus propter

PRO EADEM FERIA QUADRAGESIMALI.

Ad Evangelium, de lavando corde potius quam manibus. Matth. 15.

Tota est hebdomada decima quarta tercie partis per quinque consequentes Ferias, in hoc declarando Evangelio. Quibus quæ ad munditium cordis, ibi valde commendatam, spectant, hæc possunt aliunde adjici.

Qui diligit cordis munditiam, habebit amicum Regem.

In 1. parte, In falso S. Ioannis Evangelista, ex Prov. 22.

*Nisi quod monet Sapiens, omni custodia ser-
ves cor tuum, non omnino servas.*

In 1. parte, Feria 4. hebdomada 4. post Epiphaniam.

Hæc sponsæ Christi fides est, ut sicut nemini praeter Christum velit diligere, ita velit à nullo diligi.

In 1. parte, Sabbato hebdom. 6. post Epiphaniam.

Qui nimis suos diligit, non satis diligit.

In 2. parte, Feria 3. hebdomada sancta.

Deum, eò minus inordinate timida est & abjecta. Falsa est autem alia quævis & simulata humilitas contra quam optimè Sapiens: Attende ne seductus in stultitiam humiliaris: No- Eccles. 13. li esse humili in sapientia tua, ne humiliatus in stultitiam seducaris. Et Psaltes regius: Illic tre- Ps. 52. pidaverunt timore ubi non erat timor; quoniam Deus dissipavit ossa eorum, qui hominibus placent, confusi sunt quoniam Deus sprevit eos.

Propone tibi iudicium extremum sicut Christus proposuit suo Judici, & illic disces timere & audere, atque inter utrumque temperare loqui & agere. Horrendum est incidere Heb. 12. in manus Dei viventis. Eò certè incides, si nimis timeri appetis, aut si nimis timere pergis. Præmaturum cave casum, Nam qui timet ho- Pr. 29. minem, citè corruct.

Sæpe videtur esse Charitas, & est magis carnalicitas.

In 2. parte, Feria 4. hebdomada 1. post Pascha.

Beati mundo corde.

In 3. parte, Sabbato hebdomada 3.

Quod minus Concupiscentiæ mortificabis, eò magis à Concupiscentia mortificaberis.

In 3. parte, Feria 4. hebdomada 5.

Major est voluptas, voluptatem nolle quam velle: voluptatem reliquise quam capisse.

In 3. parte, in fine ubi de votis religiosis.

In 4. vero parte, vide hebdomadam 16. ubi de Infirmitate spirituali: Et Dominicam 17. ubi de Cupiditate refrananda, quæ proximè sequentia Feria possunt etiam competere.

FERIA QVINTA.

CHRISTVS TOTĀ NOCTE, APVD Pontificem, injuriis exponitur.

Tunc expuerunt in faciem eius, & colaphisum ceciderunt, alii autem palmas in faciem eius derunt, dicentes; prophetiza nobis Christe, quis est qui te percusserit. Matth. 26.

VERITAS PRACTICA.

Cæteræ pugnant Virtutes, sola vincit Perseverantia.

RATIO EST, quia sola illa vincit Virtus, cæteris pugnantibus, qua sola finem imponit operi. Sed sola Perseverantia finem imponit operi. Ergo illa est, qua sola vincit; ac proinde quantumcumque pugnant virtutes, nisi constanter persevereres usque ad finem, nihil obtinebis.

I. PUNCTUM.

STATIM atque Christus se Filium Dei professus est, tum Princeps Sacerdotum, scidit vestimenta sua dicens; blasphemavit, quid adhuc egemus testibus; ecce nunc auditis blasphemiam? quid vobis uidetur? At illi respondentes dixerunt, reus est mortis; Tunc expuerunt in faciem eius, & quæ supra memorantur, audent in eum.

Qualis libertas & audacia, sive servorum absque ullo iustu, sive Pontificum ita jubentium aut dissimilatum contra Christum Iesum. Si modò etiam homines tam liberè in Deum peccant quam si nullus esset Deus, aut nulla justitia. Etenim, ut ait Sapiens, quia non profertur citio contra malos sententia, absque timore ullo filii hominum perpetrant mala.

Et verò cum multa eaque gravissima per totam nocte patiatur Dominus, tum ad hæc quinque capitâ revocari poslunt, Primum, judicatur reus & blasphemus; Secundum, ut talis conspuitur in faciem; Tertium, colaphis & alapis cæditur ab unoquoque; Quartum, velantur eius oculi, ut diviner à quo sit percussus; Quintū, ignominiosè propheta nuncupatur, & in opprobrium personæ, interro-

gant eum dicentes, Prophetiza quis est qui te percusserit? & alia multa blasphemantes dicebant in eum ut refert sanctus Lucas.

Quæ patientia Domini! qualis benignitas! quanta constantia, sic pertotam noctem absque ullo verbo, aut vel modico impatietatæ tædiæ signo, ad eorum nutum inter tot contumelias perleverantem constituisse! Vere P. 101. longanimitas, verè patiens Dominus.

Hoc est scilicet, quod nos docere solebat contra inordinatum illum cordis & linguae imperium, quo ex diuturnitate laborū & difficultate suscepti operis abripimur in impatientiam, & ex impatientia cedimus ignominiosè adversis, ac velut ignavi milites de statione dejecti abiicimus clypeum, & quidquid meriti patiendo cōsecuti eramus, totum uno momento, defectione nostra deperdimus. Vide 2. Iohann. 1. de te vosmetipos, aiebat sanctus Ioannes, ne perdatis quæ operati estis, sed ut mercedem plenam accipiatatis. Omnis qui credit & non permanet in doctrina Christi: Deum non habet Cetera scilicet virtutes pugnant; sola verò vincit perseverantia; Nam sola illa vincit, quæ inchoato finem imponit operi, quod alioquin mancum & imperfectum esset, nisi ad finem usque produceretur. Unde ait Sapiens: In fine hominis Ecclesiastes 11. denudatio operis illius: Quasi dicat, multa quidem homo inchoat, sed in fine ipsius videbitur, qualia fuerint ejus opera, si videlicet ea perfecerit & ablolerent. Vel sic interpretare: Multa quidem operatur homo in vita, sed unum præcipue habet opus, ad quod cæteræ omnia revocari debent, nempe salutem animæ; & perfectionem in sua vocatione, hoc autem opus nisi ex aliis, quæ illi deserviunt, denudari nō potest, neque manifestari nisi in fine ipsius hominis, quia donec vivit, laborat quidem & pugnat, sed an laborem expleverit & in

Ecclesiastes 8.



III. PUNCTUM.

& in pugna vicerit, id ex solo fine agnoscurit:
Et quantumcunque pugnant virtutes, sola illa
vincet, quæ sola finem imponet. O quæ veræ
dictum: Non queruntur in Christianis initia sed
Hier. Ep. 16. ad finis. Paulus male caput, sed bene finivit. Iude-
biam. laudantur exordia, sed finis predicatione damna-
tur.

II. PUNCTUM.

SED sola perseverantia finem imponit operæ.
Sic omnino aptè ad rem nostram sanctus Augustinus, aut quisvis alius author Sermonum ad fratres de Etimo. O Fratres mei, non tadeat incipere magna, nec fastidiat temere inchoata, scientes, quod perseverantia informat meritum, colorat boni propositum, remunerat currentem, coronat pugnantem, ducit ad bravium, conductit cunctos ad portum. Hac est tunica talaris sancti Joseph usque ad finem contingens. Hac est tunica sacerdotalis usque ad pedes perueniens. Hac est cauda hostis, quam tenemur reddere Deo & offerre. Hac est calcaneum bona operationis, quod contra serpentis morbum debemus observare. Hac est virtus qua Deum ligat. Hac est quæ omne bonum informat. Hac est perseverantia, qua laureantur martyres, qua virgines coronantur, qua Sacerdotes sublimantur & Confessores.

Sic cohaerenter sanctus Bernardus, prorsus absque perseverantia, nec qui pugnat, victoriā; nec palmarum vicitur; vigor virium, virtutum consummatio est, nutrita ad meritum, mediatrix ad premium. Soror est patientie, constantia filia, amica pacis, amicissiarum nodus, unanimitas vinculum propugnaculum sanctitatis. Tolle perseverantiam, nec obsequium mercenari habet, nec beneficium gratia, nec laudem fortitudinē; Denique non qui caperit, sed qui perseveraverit usque in finem, hic saluus erit.

SIC ergo cetera pugnant virtutes, sola vincit perseverantia.

Quod nōdem pene verbis, eodemque plane sensu reulit Petrus Bleensis, pius & gravis author; Omnes quidem virtutes currunt ad Epis. 2.2. bravium; sed una perseverantia coronatur.

Quo de argumento cum pleni sint faci Codices & sanctorum Patrum monumenta, tum illud ex eodem sermone S. Augustini supra relato, consideratione diguissimum: Bo- Ser. 8. ad num inchoare & malo fine concludere, quid aliud Fr. in Ere- est quæ monstruosas res conficiere. Illa enim actio mo. quasi Chimera est, qua initium habet à ratione, sed finem à sensualitate cum enim sic agitur, humano capiti cervicem pector equinam jungit, & super imponit inserviosas plumas.

Audi ergo Sapientem: Non ventiles te in omnem ventum, & non eas in omnem viam, sic enim omnis peccator probatur in duplice lingua. Esto firmus in via Domini, & in veritate sensus tui, & scientia: & prosequatur te verbum pacis & justitiae.

Quæ ut in proxim distinctius redigas, disce hæc à Christo tua. Primum, cum possit liberare his omnibus malis, nulla ulla potestate perinde tolerat omnia, sicut si nihil posset. Secundum, cum saltem queri aut deprecari posset tot injurias, ne verbum quidem profert. Tertium, cum eos punire posset, adeo non malum pro malo reddit, ut ē contra non cesset eos movere ad cognitionem sui, unde dicuntur vel maximè velasse ejus facies, quod inde promicantes quoldam radios, quibus illustrabant, adverterent; & forte postea quidam eorum conversi sunt & salvati. Deus pa- Rom. 8.7. tientia & solatii, ait Apostolus, det vobis id ipsa sapere in alterutru, secundum Iesum Christum. O verè Deus patientia! sed non solatii, nisi iis, qui eius patientiam pro viribus imitentur!

PRO EADEM FERIA QVADRAGESIMALI.

Ad Evangelium, de Socru Petri febricitante, sanata à Christo Domino Luc. 4.

Febris animi, animo longè periculosior, quæ febris corporis, corpori.

In 1. parte, Feria 5. hebdomada 1. post Epiphaniam, Vbi Evangelica narratio resurit, & ex Divo Ambroso, febris animi dicitur esse omnis

Cupiditas, de qua proinde quotquot parsim ha- bentur Veritates Practica, possent hoc, cum dilecta tamen, transferri: Qualis haec inter alias:

In leví quidem cupiditate, pars aliqua nostri cordis

cordis detrahitur: In gravi verò, totum cor
Deo perit.

In 4. parte, Dominica 17.

Quod autem sanata mulier, continuò sur-
gens, Christo ac Ejus discipulis ministraret,
veram indicat Gracitudinem, quæ accepta
dona in Donantis usum refert, quæ quām ra-
ra sit, declarat hæc Veritas:

Verè paucorum est, vera Gratitudo.

In 3. parte, Dominica 13.

Denique quod à multis exirent Dæmonia,
quæ Christum confiterentur, quorum tamen
confessionem Christus nollet: veraretque de-
se loqui, nō alienum foret, quod de gravitate
peccati docetur ex illius Viri sancti sensu:

Qui maluit liber peccato, possideri à Dæmo-
ne, quām levi cum peccato, liberare pos-
sello.

In hac 1. parte, Sabbato hebdomada 3. post
Pascha.

FERIA SEXTA. CHRISTVS NEGANTEC M SE Petrum benignè respicit.

Conversus Dominus respexit Petrum. Luc. 22.

VERITAS PRACTICA.

Læsi amoris ira, quod est suavior, eò est poten-
tior.

RATIO EST. Quia potentior illa est læsi amoris
ira, qua lalentem verius lœso subicit.
Sed quo est talis ira suavior, eo verius lalentem
lœso subicit.
Ergo læsi amoris ira, quo est suavior, eo est poten-
tior; ac proinde exemplo Christi exercenda.

I. PUNCTUM.

DE Petro jā dixerant Evangelistæ, quod
Matt. 26. caput à Judæis Dominum, sequeba-
tur à longe usque in atrium principis Sa-
cerdotum, & modò fedebat cum ministris, ut
videret finem, modò cum illis stâtibus stabant
& calefaciebat se. Tum verò dum interrogar-
Ioan. 18. tur Dominus à Pontifice, aut Judæis iudic-
eretur, ut visum est, accessit ad eum una ancilla
dicens, Et tu cum Iesu Galilæus eras; At ille nega-
vit coram omnibus, dicens, nescio quid dicit. Ex-
eunte autem illo januam, vidit eum alia ancilla,
& ait tibi, qui erant ibi, & hic erat cum Iesu Na-
zarenus; iterum negavit cum juramento, quia
non novi hominem. Et post pusillum, accesserunt
qui stabant, & dixerunt Petro, Verè & tu ex illis
es, nam & loquela tua te manifestum facit; Ad-
didit unus ex servis Pontificis, cognatus eius

cujuſ Petrus abſcidit auriculam, nonne te vidi in
horto cum illo? Iterum ergo Petrus negavit, & Mar. 14.
tunc caput detestari, anathematizare, & jurare,
quia nescio hominem istum, quem dicitis; & con-
tinuò, adhuc illo loquente cantavit gallus. Et
conversus Dominus respexit Petrum. Et recorda-
tus est Petrus Verbi Domini, sicut dixerat, quia Luc. 22.
priusquam gallus cantet, ter me negabis. Et egre-
fus foras Petrus fleuit amare.

Hic est misericordia Petri lapsus! haec est de-
ploranda humanæ infirmitatis miseria! hoc
pavendum, ad omneū sœculorum memoriā,
inconstantis exemplum animi, de quo supra
est veritas. Qui se exiliat stare, vident ne cœ-
dat. Est verò etiam luculentum pœnitentis
Fer. 6 pp. exemplum animi, siue quod statim, ut est al-
Septuag. pectus discipulus à Domino, resipuit: siue
quod resipiens flevit amatè, seu denique
quod nunquam flendi peccati modum & ter-
minum posuerit, nisi cum vita.

In primis autem est admiranda summa illa
Benignitas & Clemētia, qua Iesus usq; est erga
suum discipulum. Statim enim ut lapsus est,
conversus ad eum Dominus tam suavi & po-
tentia suo illum aspectu prorsus erexit, ut a Pe-
tri peccato ad Christi gratiam, solum illud in-
tercesserit moræ, quo Petrus peccavit.

O divinam læsi amoris iram! O suavissimā
iræ divinæ potentiam! Non est dubium, quin
Christi amor in Petrum valde læsus fuerit
Peri peccato, nec alienum à Christo fuit,
cogitare

eogitare quantum inde Christus moveri & ira lci potuerit: at vide etiam atque etiā, quām suavis fuerit illa ira & quam potens in sua suavitate, simulque disce, si quando lædaris ab amico, sic suaviter esse irascendum, ut eum efficaciter tibi reconcili. Sic enim universum loquendo; *Læsi amoris ira, quod est suavior, et est potentior.* Quod certè mirum & ad praxim admodum utile.

Ut autem facilius intelligatur, tria præsupponenda sunt. Primū hic agi de justa & temperata ira juxta illud Psalmi, *ira scimini, & nolite peccare:* ut cùm amans ab amato læsus irascitur. Secundum est, talēm itam excitari & permitti ad remedium illato malo inferendum. Tertium denique, tunc potentiorē dīcī & esse iram, quando, citra culpam omnēm, remedium efficacius afferetur. Quibus ita præpositis, jā facile est intelligi, quod dicitur in prima propositione, illam esse potentiorē læsi amoris iram, quæ lædentē læso subjiciat, nam sic remedium læso amori, & quod afferri potest, afferrur: satis enim esse debet offeso, si se offendentem sibi subjectū habeat: Neque enim ipsi Reges aut Duces, quorūq; sibi magnanimitatis nomen fecerunt, aliud expetivere, quam ut hostem sibi substratum cernerent: quia & ipse Leo generositatis Symbolū, nihil aliud in præda quædere dicitur. Unde est illud Poëtæ, *Corpora magnanimo fari est prostrasse Leoni. Pugna suū finem, cum jacet hostis, habet.* Quod itaque efferaat gentes, & quod ipsæ feræ admittunt, possetne Christianus recusare.

I. P U N C T U M.

SED quod est talis ira suavior, et verius lædētem læsa subicit.

Sic aperte Sapientia in Proverbīis, & Apostolus in Epistola ad Romanos, postquam dixerunt cibandum inimicū si esurierit, & sienti potum ministramū, statim addunt, *hoc enim faciens, prunas seu carbones ignis congeres super caput eius;* id est, interpretantur quidam; sic facies eius ardebit eo sanguine, quem pudor ad maxillas evocat, non secus atque si supra

caput carbones congerisses, qui faciē inflammarēt. Quomodo enim ille non pudebit, qui vider tam liberalem atque ingenuum animū à se fuisse offensum, à quo pro injuria, tale recipit beneficium? Vel ut exponunt alii, Carbones ignis congeruntur à persona læsa in caput lædentis, quando illa ignescet quidem alioquo ira motu, sed caritate & benevolētia sic temperavit iram, ut omnia asperitas in suavitatem versa sit, nec aliter se vindicat quam novis beneficiis se lædentē cumulādo; tunc enim is mirum in modum inflammatur ad amandum; nam ut ait sanctus Augustinus, *Nimis durus est animus, qui, si amorem nescit De Capendere, nolit rependere. Noune emolleceres tech. 3. 2d.* ad tantam suavitatem, si tibi exhiberetur?

III. P U N C T U M.

Læsi amoris ira sic ergo quod est suavior, et est potentior: quod manifestē patuit in illa Christi Salvatoris ira, si fas est nā dicere, summa illam tristitiam, quam habuit de lapsu Petri, quæ quidē ira vel tristitia, quām suavis fuit in eo respiciendo, tam potens fuit in eo revocādo. *Fulgura in pluviam fecit.* Quo certè Ps. 134. factō, nihil ita, nihil tristitia poterat prætendere opportunius, cum sic lælo amori reparata magis fuerit injurya, & callatum malo remedium longē efficacius, quam si a lapsu peccati lapsus esset in infernum. Hi sunt videlicet funiculi Adam, hæc vincula Charitatis quibus nos ad te trahit! Nonne sic tecum sèpius egit, cum toties in se peccantem sua te bonitate attraxit miseras tuas? *Transiens per te, vidi Ezech. 16. te conculari in sanguine tuo; & dixi tibi, cum essem in sanguine tuo, Vive, dixi inquam tibi, Vive.* O bonitatem! o patientiam! sed quid ei propterea redes, *Vade & tu fas similiter. Imitare hoc exemplum. Noli vinci a malo, sed vincere in bono malum:* Nec putes à te nimis peti, cùm id pagani fecerint. Sic sanctus Basilius de quodam refert ad confusione nostrā: *Eudi quidam mortem minatus est ac juravit se 11. deparsum occisurum: at ille contra juravit se cum placentia. caturum, ac ne animo in se hostili sit, effellurum.*

PRO EADEM FERIA QVADRAGESIMALI.

Ad Evangelium, de Samaritana. Ioan. 4.

TOTA in hoc est hebdomada undecima tertiae partis, ubi, quæ possent etiam aliunde repeti, suis indicantur locis.

Hayneusue Pars 2.

S

SABBA-

S A B B A T O .
DE I V D A P R O D I T O R E , M I S E R -
rime pereunte:
ET DE MIRO CHRISTI SILENTIO,
Circa huius interitum.

Tunc videns Iudas, qui eum tradidit, quod damnatus esset, pœnitentia ductus, reculit triginta argenteos principibus sacerdotum, & senioribus, dicens: peccatum tradens sanguinem justum. At illi dixerunt, quid ad nos, tu videris; & projectus argenteis in templo, recepsit, & abiens lequeo se suspendit. Matth. 27.

VERITAS PRACTICA.

Qui ruinam gaudet inimici, ruinam eius in se trahit.

RATIO EST, Quia gaudium de ruina inimici, species est cuiusdam vindictæ.

Sed hac vindicta trahit in se pœnam & ruinam inimici.

Ergo qui ruina gaudet inimici, ruinam eius in se trahit; quod certè est præcavendum tum ratione culpa, tum ratione pœna simul junctæ.

I P U N C T U M .

TAMETSI miser hic Traditor in desperationem & laqueum se non proiecet, nisi cum adductus ad Pilatum Dominus, petitus ad mortem aut etiam condemnatus fuit; tamen hic aptius de funesto ejus interitum viderur instituenda consideratio, ne sequentis hebdomadae Mysteria, quæ alii habent ab ista finem, interumpantur, & qui plerumque accidit inordinatus cordis & linguae motus in adversis cōtra inimicos, exemplo Christi Domini, discatur exprimendus:

Sic ergo est, ut refert Evangelista: Misericordia propositorem conscientia patrati facinoris differe nō potuit; pœnitentia eum sui, fateretur publicè crimen, sed desperat veniam; cumque se ab ipsa luce conspicie confundetur, tenebras querat; atque in ipsis tenebris cum nec à terra portari aut aërem spirare posset, laqueo se suspendit, & suspensus crepuit medius, & diffusa sunt omnia viscera eius. Et notum factum est om-

nibus habitantibus Ierosalem, ut est in Actis Apostolorum.

En quod recidunt tandem inordinati appetitus, nam licet omnium peccatorum finis non sit ita funestus, est tamen isti plerumque affinis in eo, quod à minimis solent incipere, sicque in pejus semper delabuntur, ut vix unquam emergant. A scindula una augetur ignis, inquit Sapiens: & aptè Propheta, Vnde trahitur iniuriam in sanguinis vanitatem, & quasi vinculum plaustri, peccatum.

Et verò quidam inordinatus animi motus, quo ex morte seu ruina inimicorum exultare solemus sive in vindictam, sive in integratam aut juris nostri iactacionem, sive obalium denique per vel sim finem, qui corrigendum est exemplo Christi Domini. Cum enim optimè scire: horrendum hunc sui proditoris interitum, jamque per civitatem divulgaretur, antequam crucifixus esset, nonne commodè poterat inde testimonium suæ innocentiae derivare? Nonne similem suis inimicis comminari mortem? Nonne multum inde sermonem habere? Poterat sanè, sed silere maluit, ut nos in simili casu doceret, quod jam ante dixerat Sapiens: Cum cecideris inimicus tuus, ne Prov. 24. gaudias: & in ruina eius ne exultet cor tuum, ne forte videat Dominus & displiceat, & auferat ab eo iram suam. Quibus ex verbis hæc cruta Veritas valde est consideranda, Quod quisquis ruinam gaudet inimici, ruinam eius in se trahit.

Nim certum est hoc gaudium ordinari nasci ex appetitu vindictæ. Posset forte aliquando in sanctis proficiisci ex Zelo divinæ gloria,

A.D. L.

gloriæ, ut appareat ejus Justitia, & ut impii
tercentur. Et abitur iustus, inquit Psalter, cū
viderit vindictam, manus sua lavabit in san-
guine peccatoris. Et dicit homo, si uique est fru-
ctus iusto, utique est Deus judicans eos in terra.
Sed quis sibi præsumat de tali Zelo? quis po-
tius sibi de se nō diffidat, & suspectum habeat
tale gaudium? Lugendus esset & morte pro-
pria redimendus ille casus, & tu exultas? talis
exultatio maligna est, vindictam sapit & o-
dium cordis fovet, denique adversatur Char-
itati, que non querit qua sua sunt, nec gaudet
super iniquitate. Nam ut est alibi declaratum:
GAUDERE super iniquitate, plerumque est
iniquus, quām ipsam iniquitatē admittere.

1. Cor. 3.

Intra 5.

ibid. 3.

p. 5 Paf-
da.

II. PUNCTUM.

SED hec vindicta trahit in se pœnam & rui-
nam inimici.

Nam Deus ordinariè omnem vindictam
sic ulciscitur, ut pari aut simili pœna vindicantem se vindicet. Sic enim apertè Sapiens:
Eccles. 2. 3. Qui vindicari vult, à Domino inveniet vindictam, & peccata illius servans servabit. Et cūm
toties sibi vindictam & ultionem reservandā
testatur Deus in Scripturis, de omni vindictæ
modo ac specie id intelligentem est, ne forte
putes te indemnum, quod tu ipse non ulciscaris;
Nam gaudere de ruina & vindicta, gra-
vius esse potest, quam si tu ipse vindictam su-
meres. Potest enim Judex aut tu ipse per Ju-
dicem legitimè queri, & pœnas injuriæ re-
poscere, sed in pœnis illatis non potest ipse
judex aut aliis quispiam gaudere, quatenus
pœnæ sunt & malum hominis qui condem-
natur, unde patet istud gaudium ipsa vindic-
ta pejus esse.

Quod si ex justitia redita Judex gaudere
potest, tali ramè gaudio jungèdus esset mo-
tor de malo proximi, quod nunquam per se
est amandum, nec de eo proinde exultādum.
Heu consolabor super hostibus meis, & vindica-
bor de inimicis meis: ait ipse Deus supremus ju-
dex; Cum vindictam in hostes parat, illam

V. 1.

24.

dolentis vocem præmittit, heu, ut significet se
dolere de vindicta sumenda; Tu vero non ti-
mebis exultare: aut exultans non timebis ejus
vindictam! Tam certa tamen est, quām certa
constat eum, qui se vindicat, sic à Domino
vindicari. Tcipsum vindica de te ipso, qui
quoties peccasti, te laxisti. Nam qui faciunt Tob. 12.
peccatum & iniquitatem, hostes sunt anima sue.

III. PUNCTUM.

Quisquis igitur ruina gaudet inimici, ruinam
eius in se trahit, id est, vindictam & perdi-
tionem: Nam si putas inimicum sicut à Deo pu-
nitum esse propter injuriam & offendit in tibi
illatam, cur non putabis te puniendum, cūm
non minus pecces in Deum & in proximum?
In Deum quidem patet, quod assumas eius
imperium, & contra ac expressè veruit, ulcisci
audeas, aut ultione illata gaudreas, quod æ-
què verat ac aliud. Deinde verò in proximum
peccas, quod ejus malis gaudreas, quod est di-
rectè contra charitatem & ab ea longissime
charitate, quæ reddit bonum pro malo. Unde
conclude, quām sis æquè puniendus ac ille de
cujus pœna gaudes, ac proinde quam verè
ejus ruinam in te convertas.

Sic se Job puniendum fatebatur, Si gavisus Job 3. 1.
sum, inquit, ad ruinam eius qui me oderat, &
exultaui quod invenisset eum malum, non enim
dedi ad peccandum guttur meum, ut expeterem
maledicens animam eius. Miserum te & misera-
ndū omni modo, qui cūm posses Deo, pro-
ximo, & tibi plurimum in hoc casti gratificari,
Denū offendis, proximum laidis, & tibi
valde noces! Qui sibi nequam est, cui alii bonus Eccles. 14.
erit? Adverte anima & cūm ex his tribus vel
unum sufficeret seorsim consideratum, ut te
contineres; quanto magis cūm tria simul co-
currunt ad hunc finem? Montes Gelboe, nec ros, 2. Reg. 1.
nec pluvia venient super vos, quia ibi abjectus
est clypeus fortium, clypeus Saul, quāsi non esset
unctus oleo! Sic & pluribus, David de Inimici
ruina non exultabat, sed dolebat.

PRO EADEM FERIA QVADRAGESIMALI.

Ad Evangelium, de Muliere adultera. Ioan. 17.

Videti debet in 4. parte, Feria 2, hebdomadæ 19.

§ 2

DOMI-